

Fas Timoti Nægkiariien sə rani mə nəfe i nəkukuə

Nəkukuə me i Pol rımərai, Fas mine Seken Timoti mine Taetas, kani mə nəkukuə me səvəi pasta me, ti nəri nə mə hamægkiari ia wok mine noien səvəi pasta me. Timoti rınətui fwe Listra. Səvənhi tata iəmə Kris, mətə səvənhi mama pran Isrel. Səvənhi mama ramahatən in ia Nəkukuə Ikinan ia nouihien səvənhi. Pol ramevən maməvisau irəpw nəgkiariien amasan səvəi Kristo. Ia navəniən səvənhi sə ro kəru irə Timoti rukurirə in. In ramasitu ia Pol ia wok səvənhi. Nəpın Pol rımərai nəkukuə i, Timoti ramo wok rəmwhen ia iahtən mine iəmə asori səvəi nakalasia me fwe Efesas. Timoti in tamaruə riti, mətə ruvehi wok səvəi niriien nakalasia me. Ro pen Pol rırai nəkukuə i revən tukwe. Ia nəkukuə i Pol ramasitu irə maməvəhag min ia wok səvənhi. Pol raməvəhag min mə traməkeikei məsiari ti nahatən eikuə me mine nahatəniən me səvənraha səməme həpwəh natukwatukwien. Pol rokeikei pık Timoti, ro pen ruvei pen nəvəhagien me min mə trəfo irə ti nəri nə mə in iərmama riti səvəi Kumwesən.

¹ Iou Pol. Iou aposol riti səvəi Iesu Kristo. Kumwesən sə rauvehimıru kitaha mine Iesu Kristo sə saməmri pen əknekın nətərigien səkitaha irə irau krouni nəkwanrau mə tako.

² Iakamrai nəkukuə i mik, Timoti. Ia nahatətəien səkrau ikəmwhen ia nərik pərhien. Pwəh Tata

Kumwesən mine Iesu Kristo Iərimənu səkitaha trouəriari pehe namasanien mine napiien mine nəmərinuien mik.

Timoti trinise nahatən eikuə me

³ Fwe kupwən, ia nəpən iakinamevən fwe profens Masetonia, nənə, iakini pehe tukw ik i mə tikamarə pəpim ia taon nəha Efesas. Nərmama nepwən nəha ikən hamarə irəha kamhahatən nərmama ia nəgkiariien sə ropə ia nəgkiariien atukwatukw. Mətə ik tikinise irəha mə tuhəpwəh noien noien nəha.

⁴ Tikini pen ti nirəha i mə tuhəpwəh nətərig pikien ia kwənagei eikuə me mine nəgkiariien sə rani pik kwənəkwus me səvəi kaha kupwən me. Nəgkiariien me nəha kamhəvi pehe a nəvisəien me. Ko həpkasitu mhə ia iərmama riti mə tro wok səvəi Kumwesən. Wok nəha nərmama səməme kamhahatətə a kamho.

⁵ Tikəvəhag m nərmama me səkitaha mə irəha tuhaməkeikei mhokeikei irəha me. Pwəh rerinraha rəmher. Pwəh irəha hamo a noien me səməme irəha həukurən mə ramasan. Pwəh irəha hahatətə pərhiən ia Kumwesən.

⁶ Nərmama nepwən hənəpwəh noien me i, mhənəti karen, mhəuvavən ti nəgkiariien sə nīpwran riwən.

⁷ Irəha hokeikei pik nahatəniən Loa, mətə həreirei nīpwrai nəfe kamhəni, nəri auər a mə kamhəgkiari skai tukwe mə həukurən.

⁸ Kitaha səukurən mə Loa in ramasan, mətə nərmama tuhaməkeikei mhahatən nərmama irə ia noien atukwatukw səvənhi.

⁹ Kitaha səukurən mwi mə kipkəmri mhə Loa raməmak ti nəkur atukwatukw me, mətə kəmri Loa raməmak ti nəkur kamhərui loa, mine nəkur kənkəpwənrəha riskai, mine nəkur həpkahətətə mhə ia Kumwesən, mine nəkur kamho noien ərəha, mine nəkur həpko mhə nəkur ikinan me, mine nəkur həpkəmher mhə, mine nəkur kamhousi əpune tata mine mama səvənrəha, mine nəkur kamhousi əpune nərmama.

¹⁰ Kəmri Loa raməmak ti nərman mine ni pran səməme kamhəri əpnəpən irəha me, mine nərman səməme kamhəri atukw a irəha me, mine nərmama kamhakres iərmama mə tuhoslef irə, mine ieikuə me, mine nəkur kamheikuə ia kwopun kaməkiri nəgkiariien ikin, mine nəkur kamho noien ərəha me nəpwın mwi. Ouəh, ni pərhiəniən kəmri Loa raməmak ti nəkur kamho narimnari me pam nəha sə ramərarki nəgkiariien kamahətən nərmama irə sə ratukwatukw.

¹¹ Kumwesən in rasori mukuraan nərmama kamhəgnəgini in. Nəgkiariien atukwatukw nəha iakani raməmak ia nəgkiariien amasan səvənhi. In rinəmri pehe nəgkiariien nəha ia rəgik, nənə iakaməvisau irəpw i.

Iesu rinəpi Pol

¹² Iesu Kristo Iərimənu səkitaha sə ramo iakiskai ti noien wok səvənhi, iakani tanak tukwe in ti nəri nə mə in rinəkiri iou mə iakəmwhen, mətigite ia nirak, məmri iou iakamo tukwini nari min.

¹³ Fwe kupwən, iou iərmama riti sə iakani ərəha nəghin, nənə mamometə nərmama me səvənhi,

mamousi pik irəha. Mətə in rapi iou ti nəri nə mə iapkini mhə ihi nipərhiendien irə, nənə, mireirei mə nəfe nəha iakamo.

¹⁴ Iərimənu səkitaha rətəgi irapw namasanien səvənhi ia nirak rasori pik irəhar nahatətəien mine nokeikeiien sə ruku pen ti Iesu Kristo.

¹⁵ In i nəgkiariien pərhiendien, nənə, kitaha pam tsaməkeikei mhəni nipərhiendien irə. Iesu Kristo riməuvehe ia tiprənə i mə truvehimiru nərmama ərəha me. Iou iəmə iakərəha anan məpi raka pam irəha.

¹⁶ Mətə Iesu Kristo rinapi iou mə iou iakərəha anan rəmwhen ia nimtətien riti sə ramahatən mə nətərigien səvənhi rəpwəmwis mipko mhə sampam ramevən ti nərmama ərəha me, pwəh nərmama nepwɪn hətoni mhə rəmwhen sə iakino həni nipərhiendien irə, nənə in truvei pen nimiruien rerin minraha.

¹⁷ Kumwesən in Iərimənu rerin. In ripkəmhə mhə. Ko səpkətoni mhə. Nənə in əpa in Kumwesən. Pwəh nisaien mine nəgnəginiiien krauevən tukwe in ia nuk nuk me. Ouəh, pwəh ro iamɪnhi.

¹⁸ Nəgkiariien i iakani pehe tukw ik i təkwtəkwwuni, nərik Timoti, rəmwhen a ia nəgkiariien me nəha profet me nepwɪn həməni ia niram fwe kupwən. Tikuvehi nəgkiariien me i pwəh hasitu ia niram ia naruagəniien amasan sə ikamaruagən irə.

¹⁹ Tikaməkeikei məkwtəmhiri əknekɪn nahatətəien səim, məpwəh noien nari riti sə tro ik ikregi fwe ia rerim mə ikino nərəhaien. Nərmama nepwɪn ho noien me nepwɪn sə həukurən mə

1:15: Luk 15:2, 19:10

1:17: Rom 16:27

1:18: 1Tim 6:12, Jut 3

1:19: 1Tim 3:9

rərəha, nənə ia noien nəha hənouraha nahatətəien səvənraha rəmwhen ia nitətə sə rəpəruə ia nīmaha.

²⁰ Iəmə mi nəha Hameneus mine Aleksanta irau mwi nəha irəha minraha. Iou iakinəsəni raka irau mə krouəmāk ia rəgi Setan pwəh krouukurən mə trouəpwəh nini ərhəhien Kumwesən.

2

Nəvəhagien me ia nikaren səvəi nəfwakien

¹ Nəri sə iakokeikei mə takukupwən mīni ro iamīnhi irə. Tikəvəhag m nərmama me səkitaha mə irəha tuhaməkeikei mhəfwaki m Kumwesən ti nərmama me pam, nənə mhəres in mə tra-situ ia nirəha, muvei pen nəfe riwən ti nirəha. Nənə tuhaməkeikei mhəni mwi tanak ramevən ti Kumwesən ti nirəha.

² Irəha tuhəfwaki ti kig me mine nərmama me pam səməme kamhəuvehi nasorijen mə kitaha tsarə ia nəmərinuיעn mine narəien afafa, mharə irə, mhəsiai Kumwesən, nənə mhesi pen noien atukwatukw me.

³ Noien i ramasan nənə nəpīn Kumwesən səkitaha sə rauvehimīru kitaha trətoni rerīn ragien.

⁴ In rokeikei mə truvehimīru nərmama me pam, nənə mokeikei mə irəha tuhəuvehe mhəukurən nəgkiariיעn pərhiעn səvənhi.

⁵ Kumwesən kuatia a ramarə, nənə, Iərmama kuatia a ramərer ia nīmwrhenhi Kumwesən mine nərmama mavi sīmwin irəha. Iərmama nəha in nəha Iesu Kristo

⁶ sə rıməuvei pehe atukw a in ia nəpɪn atukwatukw tɪ nəəkuien suatuk səvəi nərmama me pam mə trifi irəha ia noien ərəha me səvənraha. Nənə ramahatən mə Kumwesən rokeikei mə truvehimiru nərmama me pam.

⁷ Nəri in i kuvehi utə iou tukwe aposol mine ia hatən səvəi nərmama rɪpko mhə irəha nəkur Isrel mə takəvisau irapw nəgkiariien amasan mɪnraha sə raməgkiari ia nahatətəien mine nɪpərhiēnien. (Iakani pərhiēn iapkeikuə mhə.)

⁸ Ro iamɪnhi irə iakokeikei mə ia kwopun me pam nərman me tuhəuvehi utə rəgɪnraha rəmher, mo ikinan i, nənə mhəfwaki m Kumwesən. Irəha tuho iamɪnha irə mhəpwəh niemaha mine nəvisəien.

⁹ Nənə iakokeikei mə nɪpran me tuharkahu ia tɪnari sə ratukwatukw a, rɪpko mhə tɪnari kavi nətərigien səvəi nərman irə, uə tɪnari kamarkahu i kamərpwi tukwe. Rərəha mə ho nɪmwai nukwənenraha mə tuhərpwi tukwe uə həuvehi pen marəmarə me kino ia kol mine perel me, uə harkahu tɪnari nənimen rutə pɪk.

¹⁰ Irəha tuhaməkeikei mharkahu ia noien amasan me rəmwhen ia karkahu səvənraha, tɪ nəri nə mə in i noien atukwatukw sə nɪpran me səməme kamhəni mə irəha hokeikei Kumwesən tuho.

¹¹ Nəpɪn kamahatən nakalasia me, pwəh nɪpran me hafafa mhəpwəh nəgkiariien, mhəsiai nahatən me, mhəuvehi nukurənien.

¹² Iou iapkæseni mhə mə nɪpran tuhahatən uə hærɪmənu ia nərman. Irəha tuhaməkeikei mhafafa,

¹³ tɪ nəri nə mə fwe kupwən Kumwesən rɪmækupwən mo Atam kurirə ro If.

¹⁴ Nənə rɪpkə mhə Atam nə Setan rɪmækupwən meikuə irə nənə ro nəkwən, mətə If rɪno nəkwai Setan nənə mərui nəgkiariien səvəi Kumwesən.

¹⁵ Mətə mə pran raməmwur pen ia nahatətəien, mɪne nokeikeiien, mɪne noien sə rəmher mo iki-nan i, nənə in prən afafa, nəpɪn raməmisə tɪ tini mə trətui, Kumwesən trətui amasan tukwe muve-himɪru in.

3

Noien səvəi elta me mɪne tikon me

¹ In i nəgkiariien pərhiien. Trɪni mɪnuə iərmama riti rokeikei mə truvehe iəmə asori sə ramətui tɪ nakalasia me, nənə, in rɪnokeikei wok riti sə ramasan.

² Iəmə asori sə rauvehi wok nəha noien səvənhi traməkeikei mo iamɪnhi irə. Kəpwəh nətəien noien ərəha riti irə. In səvənhi pran kuatia a. Rɪpkə mhə in iərmama sə ramənɪmwɪ pɪk, mətə in nətərɪgɪen səvənhi raməmak amasan ia nəpɪn me. In iərmama sə kamsiai in. In iərmama sə raməsevər ia rukwənu səvənhi tɪ nərɪmama pwiɪspwiɪ me. In iahatən amasan riti.

³ Iərmama sə ramənɪmwɪ pɪk uə ramousi iərmama ko rɪpkuvehi mhə wok i. Mətə iərmama sə noien səvənhi ramasan mərəu, rəpwəh

nəvisəien, mīpkokeikei pik mhə mane, in rukurən nuvehiiən wok i.

⁴ In traməkeikei miri amasan nərmama kamharə ia nəkwai nimwə səvənhi, nənə mo nīpwnətīn me tuhəsiəi in mho nəgkiariien səvənhi.

⁵ Trīni mīnuə iərmama riti rīreirei niri amasanien nərmama kamharə ia nəkwai nimwə səvənhi, nənə, trəfo miri amasan nakalasia me səvəi Kumwesən? In rīreirei noien.

⁶ Iərmama rahatətə vi a ia Iesu rīpkəmwhen mhə mə truvehi wok i kamo rərpwi tukwe mīmwei pen ia nərəhaien sə Setan rīno nənə Kumwesən rərpwīn noien ərəha səvənhi.

⁷ Rəmwhen a mwi iərmama sə rauvehi wok iamīnhi nərmama me fwe iruə tuhaməkeikei mhəni amasan in kamo in rīmwei pen ia kwənkru səvəi Setan nənə kīni ərəha in.

⁸ Ia noien a mwi nəha tikon me noien səvənraha traməkeikei mo iamīnhi irə. Irəha nərmama səməme kamsiəi irəha. Nəgkiariien səvənraha rīpko mhə kəru. Həpkənīmwi pik mhə nənīmwiien skai rəmwhen ia waen. Irəha həpkokeikei pik mhə mane.

⁹ Irəha tuhaməkeikei mhəkwtəmhiri noien səvəi nahatətəien Kumwesən rīno pui pehe ia nətərigien səvənraha sə rəmher.

¹⁰ Nərmama səməme hokeikei mə tuhəuvehi wok səvəi tikon, nakalasia me tuhaməkeikei mhəkupwən mhətə amasan irəha. Trīni mīnuə həpkətə mhə noien ərəha riti ia nīrəha, nənə, irəha həukurən nuvehiiən wok nəha.

¹¹ Ia noien a mwi nəha nīpran me səvəi tikon

me^a noien sɔvɛnrɔhɔ trɔmɛkɛikɛi mo iɔmɛnhɪ irɔ. Irɔhɔ nɪprɔn me sɔmɔmɛ kɔmsɪɔi irɔhɔ. Rɪpko mɦɔ irɔhɔ nɪprɔn me sɔvɔi nɪniien nɪkɔrɛ iɔrmɔmɔ uɔ nɪprɔn me sɔvɔi nɔnɪmwɪien, mɔtɔ irɔhɔ nɪprɔn me sɔmɔmɛ nɔrmɔmɔ hɔukurɔn nɔtɪgɪtɛien iɔ nɪrɔhɔ iɔ nɔrɪmnɔrɪ me pɔm.

¹² Iɔrmɔmɔ rɪtɪ sɔ rɔuvɛhɪ wok sɔvɔi tɪkɔn trɔmɛkɛikɛi mirɪ prɔn kuɔtɪɔ a, nɔnɔ, mirɪ ɔmsɔn nɪpwnɔtɪn me mɪnɛ nɔrmɔmɔ pɔm kɔmhɔrɔ iɔ nɛkwɔi nɪmwɔ sɔvɛnhɪ.

¹³ Nɔrmɔmɔ sɔmɔmɛ kɔmhɔ ɔmsɔn wok sɔvɔi tɪkɔn nɔghɪnrɔhɔ trɔmsɔn irɔ, nɔnɔ, irɔhɔ tuhɔpkehekɪr ɔnɔn mɦɔ mɦɔgkɪɔrɪ iɔ nɔhɔtɔtɔien sɔvɛnrɔhɔ sɔ ruku pɛn tɪ Iɛsu Krɪstɔ.

¹⁴ Tɛkwɔtɛkwuni nɔhɔ, nɔpɪn iɔkɔmɔrɪ nɛkukuɔ i mik, rɛrɪk rɔmrɦɪ mɔ trɪpko mɦɔ tui iɔkuvɛhɛ mɔtɔnɪ ik.

¹⁵ Mɔtɔ trɪnɪ mɪnuɔ iɔpkuvɛhɛ ɔkwɔuɔkw mɦɔ, nɔnɔ, nɛkukuɔ i tro nukurɔnɪen i mik mɔ nɔfɛ nɔhɔ noien rɔtukwɔtukw nɔrmɔmɔ me iɔ nɛkwɔi nɪmwɔ sɔvɔi Kumwɛsɔn tuhɔ. Nɔrmɔmɔ iɔ nɛkwɔi nɪmwɔ nɔhɔ kɔnɪ irɔhɔ mɔ nɔkɔlɔsɪɔ me sɔvɔi Kumwɛsɔn sɔ rɔmɪru, irɔhɔ hɔmwɦɛn iɔ pɔs ɔsɔrɪ mɪnɛ nɔrɪ skɔi kɔuvrɦɛkɪn nɪmwɔ iɔ tɛkuren, mɔmhɪrɦɔn nɔgkɪɔrɪien pɔrhɪen.

¹⁶ Nɔnɔ nɪpɔrhɪenɪen nɔgkɪɔrɪien i kɪno pui pɛhɛ ɪn nukunɛ nɔhɔtɔtɔien sɛkɪtɔhɔ rɔnɪ nɔrɪ rɪtɪ rɔsɔrɪ, mɔnɪ mɔ,

a 3:11: Suatuk rɪtɪ mwɪ tɪ nuvsɪniien nɔgkɪɔrɪien i rɔ iɔmɛnhɪ irɔ. “Iɔ noien ɔ mwɪ nɔhɔ, tɪkɔn nɪprɔn me noien sɔvɛnrɔhɔ trɔmɛkɛikɛi mo iɔmɛnhɪ irɔ. Irɔhɔ nɪprɔn me sɔmɔmɛ kɔmsɪɔi irɔhɔ. Rɪpko mɦɔ irɔhɔ nɪprɔn me sɔvɔi nɪniien nɪkɔrɛ iɔrmɔmɔ uɔ nɪprɔn me sɔvɔi nɔnɪmwɪien, mɔtɔ irɔhɔ nɪprɔn sɔmɔmɛ nɔrmɔmɔ hɔukurɔn nɔtɪgɪtɛien iɔ nɪrɔhɔ iɔ nɔrɪmnɔrɪ me pɔm.” **3:15:** Efes 2:19-22 **3:16:** Jon 1:14, Mak 16:19

“In rimæier pehe tukutaha nîpwran rəmwhen ia nîpwrataha.

Nənimwîn İkinan rahatən amasan mə in iəmə atukwatukw.

Nagelo me hətoni in.

Kəvisau irapw nəgkiariien səvənhi ia tənəmtənə me.

Nərmama me i ia təkure tîprənə i həni nîpərhienien irə.

Kuvehi utə in revən fwe ia neiai.”

4

Pol raməvəhag m Timoti

¹ Nənimwîn İkinan rani irapw amasan mə tramevən ipaka tî nəpîn sampam nənə nərmama nepwîn tuharaka ia nahatətəien səvənraha, mhəuvən mhətərig pîk ia nənimwîn me səməme kamheikuə mine nəgkiariien me səməme nəremhə me kamhahatən.

² Nəgkiariien me nəha ieikuə me nepwîn tuhəni irapw. Nətərigien səvəi ieikuə me nəha rînrəha anan ro pen həpkregi sas mhə fwe ia rerînraha noien ərəha me səməme irəha kamho.

³ Irəha tuhənise iərman tî niriien pran, nənə, mhənise mwi irəha tî nəniien nəveginien me nepwîn. Mətə Kumwesən rino nəveginien me nəha mə tukəni. Nənə nərmama səməme kamhəukurən nəgkiariien pərhien, həni nîpərhienien irə, həukurən nuvehien, mhəfwaki mhəni vivi Kumwesən tukwe, mhani.

⁴ Nəveginien me pam Kumwesən rino ramasan a. Nari riti riwən nərmama tuhəpwəh nəniien.

Nərmama həukurən nəniən nəveginien me pam trini minuə həfwaki mhəni vivi Kumwesən tukwe.

⁵ Nəgkiariien səvəi Kumwesən mine nəfwakiien iamihhi krauo nəveginien me pam hamasan a ti nəniien.

⁶ Trini minuə ikani irapw nəgkiariien i m piəvtaha me, ik iərmama riti sə ikamo tukwini amasan nari m Iesu Kristo. Nənə ramahatən mə ikimruə ia nəgkiariien pərhien me səvəi nahatətəien səkitaha mine nəgkiariien amasan kamahatən nərmama irə sə ikinesi pen raka.

⁷ Tikəpwəh nətərigien ia kwənagei eikuə me səməme nərmama həpkisiai mhə ia Kumwesən kamhəni. Nəpən me pam tikaməkeikei mamarkut mamə noien me səməme Kumwesən rokeikei.

⁸ Ikukurən trini minuə ikamarkut mə nīpwram triskai, noien nəha ramasan. Mətə trini minuə ikamarkut nəpən me pam mə tiko noien me səməme Kumwesən rokeikei, noien nəha ramasan məpi raka. Trasitu ia niram ia nimiruien səvəi ipwet mine mine nimiruien sə truvehe kurirə.

⁹ In i nəgkiariien pərhien nənə kitaha pam tsaməkeikei mhəni nīpərhienien irə.

¹⁰ Kitaha samarkut mamhəsese ti nəgkiariien i mə sənəmri pen əknekin raka nətərigien səkitaha ia Kumwesən sə ramiru. In rauvehimiru nərmama pam, mətə in rauvehimiru pərhien irəha səməme kamhəni nīpərhienien irə.

¹¹ Tikəvəhag m nərmama mahatən narimnari me i.

¹² Pwəh nərmama tuhəpwəh nətə puilien ik ti nəri nə mə ik təmaruə a riti, mətə tikəmwur ia nəpən

4:7: 1Tim 1:4, 6:20, 2Tim 2:16 **4:8:** 1Tim 6:6 **4:9:** 1Tim 1:15

4:10: 1Tim 2:3-4 **4:12:** Taet 2:15

me mæ ik iærmama riti nækur æfwaki me hæukuræn nukuriræien tæmwki nisum ia nægkiariien, ia noien, ia nokeikeiien, ia nahatætæien, mine ia noien sæ ratukwatukw mæmher.

¹³ Tikamækeikei mo wok i sævæi nævsiniien Nækukuæ Ikinan m nærmama. Tikævisau mahatæn iræha ia nægkiariien pærhien. Pwæh ruvehe mo sæim wok tramærer kupwæn ia nimiruien sæim meste takuvehe.

¹⁴ Timoti, Kumwesæn rimæuvei pehe nasituien sævænhi mik ti noien wok sævænhi. In rimæuvei pehe nasituien næha næpæn elta me sævæi næfwakiiien hænæmri utæ rægjinraha ia niram. Ia næpæn næha profet me næpwæn iræha mwi hæmæni irapw nægkiariien sæ Kumwesæn rimæni ia niram. Tikæpwæh næpwæhien nasituien næha ramæmak auær a.

¹⁵ Tikamækeikei mo narimnari me næha iakani. Tikamaræ mammo wok me næha pwæh nærmama pam hætoni nimiruien sæim mine wok sæim rautæ amasan.

¹⁶ Tikætui amasan tukw ik mine nægkiariien sæ ikamahatæn nærmama me iræ. Næpæn me pam tiko iamænhhi iræ. Træni mænuæ iko, nænæ, tikuvehimæru ik mine nærmama sæmæme kamhætærig ik.

5

Næpran me nærman me sævænraha hemhæ mhæpwæh iræha

¹ Tikæpwæh nægkiari skaiien m nærgaræ me, mætæ tikægkiari amasan mænraha ræmwhen mæ iræha tata me sæim. Tikægkiari m ntæmaruæ me ræmwhen mæ iræha piam me,

4:14: 2Tim 1:6, Wok Me 6:6, 8:17

4:15: 1Tim 5:22

5:1: Lev

19:32

² mægkiari m nīprānemā me rāmwhen mā irāha mama me sām. Tikægkiari m nīpran vi me rāmwhen mā irāha kītirimam me. Nægkiariien sē tikini pen tī nirāha i tramākeikei matukwatukw pam māmher.

³ Nīpran me nārman me sāvānraha hemhā mhāpwāh irāha sāmāme kamharā āpa, nakalasia me tuhamākeikei mhasitu ia nirāha.

⁴ Mātā mā nīpwnāti nīpran me nāha fwe uā nīmwpwīnraha me, tikahātān irāha i pwāh hāukurān mā nāri sē irāha tuhākupwān mho mhāsiai Kumwesān irā, in i tuhātui amasan tī nārman sāmāme kamharā ia nākwai nīm wā me sāvānraha. Noien nāha rāmwhen mā kamhārpwīn tai nasituien m tata me sāvānraha mīne mama me mīne kaha me. (Noien nāha ramasan ia nāmri Kumwesān mamō rerīn ragien.)

⁵ Mātā pran sē iārman sāvānhi remhā māpwāh in āpa anan ramarā, in ramāmri pen āknekīn nātārigien sāvānhi ia Kumwesān. Ia nāpīn me pam ia nāpīn mīne ia ran ramāfwaki m Kumwesān mā trasitu irā.

⁶ Mātā pran sē ro iamīnhi, trīni mīnuā ramātārig pik tī narīm nari me sāvāi nīpwrān tī nīregiien ramasan irā, in ramīru, mātā ia nānimwīn rāmwhen mā ruvāmhā raka.

⁷ Tikuvei pen nāvāhagien me i mīnraha mā irāha tuhamākeikei mamho. Pwāh kāpwāh nātoniien nārāhāien riti ia nirāha.

⁸ Iārmanā riti tramākeikei mātui amasan tī nākur imwāni me, nānā mukupwān mātui amasan tī sāmāme kamharā ia nākwai nīm wā sāvānhi. Mātā trīni mīnuā rīpko mhā, ramahātān pen mā in

ripkahaatətə pərhiən mhə ia Kumwesən. In rərəha məpi raka iərmama sə ripkahaatətə mhə.

⁹ Trini minuə pran riti səvənhi iərman remhə məpwəh in, mətə nuk səvənhi ripkeste mhə ihi sikisti, tikəpwəh nīrai penien nəghin ia nəkukuə səvəi nasituien. Ikukurən nīrai penien nəghin trini minuə fwe kupwən səvənhi iərman kuatia a,

¹⁰ nənə nəghin ramasan ia noien amasan me səvənhi, rəmwhen mə rinətui amasan ti nīpwənətīn me mamevən meste həpwinari, maməsevər ia rukwənu səvənhi ti nərmana pwispwis me, ma- maikuas ia nisui nərmana me səvəi Kumwesən, mamasitu ia iavən ərəha me. Trini minuə ramo noien amasan me pam iamīnhi, ikukurən nīrai penien nəghin ia nəkukuə nəha.

¹¹ Mətə tikəpwəh nīrai penien səməme həpkəprənemə mhə. Kurirə trini minuə nətərigien səvəi nesi penien mwi iərman ruvehe miskai ia rerinraha məpi raka nətərigien səvənraha ia Kristo, nənə irəha hənua tuhesi pen mwi nərman,

¹² nənə tukəkiri irəha minuə hənə noien ərəha mhərui nəgkiariien səvənraha mine nəfe həmāni fwe kupwən mə tuho.

¹³ Nənə rərəha mwi ti nəri nə mə tuhəuvehe mho irəha rarpaha me, mhəuvən ia nimwə riti mhəier mhəuvən ia riti. Nənə tuhəpkuvehe əpa mhə mho irəha rarpaha me, mətə tuhəuvehe mwi mho irəha nīpran me kamhəni nīkare iərmana, nənə mhəpwəh noien wok, mamhəni nəgkiariien me ripkatukwatukw mhə mə tuhəni.

¹⁴ Ro iamīnhi irə iakani pen ti nīpran me nəha səməme həpkəprənemə mhə mə ramasan tuhesi

pen mwi nərman, mhərəhi nīpwnətīnraha me, mhətui amasan tī nərmana səməme kamharə ia nəkwai nimwə me səvənraha. Nənə trini minuə ho iamīnha irə, nənə nərmana səməme haməmwəki kitaha ko həpkīni mhə nəgkiariien ərəha riti mhəuəsi kitaha irə.

¹⁵ Mətə nīpərhiēnien nīpran me nepwīn hənəpwəh raka suatuk atukwatukw nənə mamhəkurirə Setan təkwtəkwni.

¹⁶ Nīpran me i səməme kamhəni nīpərhiēnien ia Iesu tuhaməkeikei mhətui amasan tī nīpran me i ia kwənəkwas səvənraha səməme nərman me səvənraha hemhə mhəpwəh irəha. Irəha tuhəpwəh naraka penien irəha m nakalasia me mə tuhamətui amasan tī nīrəha. Nənə ro iamīnhi irə nakalasia me tuhəkurən nasituien ia nīpran me i səməme nərman me səvənraha hemhə mhəpwəh irəha əpa anan kamharə.

¹⁷ Nəmə asori me səvəi nəfwakiien səməme kamhəiri amasan nakalasia me, nakalasia me tuhaməkeikei mhəsiai irəha, nənə mhərəku irəha. Tuhəkupwən mho iamīnhi irə ia elta me səməme kamhəsese mamhəvisau mamhahatən.

¹⁸ Iakani iamīnhi irə tī nəri nə mə Nəkukuə Ikinan rani mə, “Tihəpwəh nərihi təriniien tərhui kau nəpīn rameivə testesi kwənuni wit mə tekīn trier raka.” Nənə Nəkukuə Ikinan rani mwi mə, “Iərmama sə ramowok ratukwatukw mə tukərəku in.”

¹⁹ Tikəpwəh nətəriēnien nəgkiariien səvəi iərmama kuatia a sə rani mə elta riti səvəi nəfwakiien ramo noien ərəha, mətə mə iərmama

kəru uə kahar kamharni, nənə, ikətəriɡ ia səvənrahar nəɡkiariien.

²⁰ Nənə elta me nəha səməme kamho noien ərəha, tikinise irəha ia nəmri nərmama pam mə elta me nepwɪn mwi tuhəhekɪr noien noien ərəha.

²¹ Ia nəmri Kumwesən, Iesu Kristo, nagelo me səməme Kumwesən rɪmərɸi raka irəha, iakani pehe tukw ik i mə tikaməkeikei mamesi pen nəɡkiariien me səiou ia noien sə ratukwatukw. Tikəpwəh noien noien əpə iti m iərmama riti, nənə, mo mwi səpə iti m iərmama riti mwi. Mətə tiko rəmnəmwhen ia nirəha pam.

²² Tikəpwəh nəmri utə akwauakwien rəɡim mi ia iərmama riti məfwaki pen min mə truvehi wok səvəi nəfwakiiien. Trini minuə in iərmama riti səvənhi fwe ikin nərəhaien, nənə, səvənhi nərəhaien trarə ia niram rəmwhen mə ik mwi ikiməuvehi nərəhaien səvənhi. Mətə ia nəpɪn me pam tikəmher.

²³ (Rɪpkamasan mhə mə tikamənɪmwi a nui, mətə ramasan mə tikənɪmwi ouihi waen kwopti pwəh rasitu ia tɪpwɪm mɪne nemhəien me sə ramo ik ia nəpɪn me.)

²⁴ Noien ərəha me səvəi nərmama nepwɪn həuvəier irapw raka, nəri auər a mə nəpɪn sə Kumwesən trərpwɪn noien ərəha irə rɪpkuvehe mhə ihi, mətə noien ərəha me səvəi nərmama nepwɪn tuhəpkier irapw kurirə.

²⁵ Rəmwhen a mwi noien amasan me səvəi nərmama nepwɪn həuvəier irapw raka nənə səməme kamhərkwafə ihi təkwtəkwuni, irəha mwi tuhaməkeikei mhəier irapw.

6

Slef me tuhaməkeikei mhəsiai nəmə asori me səvənraha

¹ Pwəh slef me pam həsiai amasan nəmə asori me səvənraha kamo nərmama nepwɪn həni ərəha nəghi Kumwesən mine nəgkiariien səkitaha samahatən nərmama irə.

² Slef me səməme nəmə asori me səvənraha kamhəni nɪpərhiēnien ia Iesu irəha tuhəpwəh noien nəha kamhəni mə, “Eh, iəmə asori nəha in piəvtaha a riti,” nənə, irəha tuhəpkisiai amasan mhə. Mətə irəha tuhaməkeikei mho pik mwi wok ia rerɪnraha pərhiēn, ti nəri nə mə səvənraha iəmə asori in iərmama riti sə rani nɪpərhiēnien ia Iesu, nənə irəha hokeikei in. Tikahatən narimnari me i, mini pen ti nərmama mə tuhaməkeikei mamho.

Noien səvəi nokeikei pikien mane

³ Trini minuə iərmama riti ramahatən nərmama, nəgkiariien səvənhi traməkeikei mesi pen nəgkiariien atukwatukw səvəi Iesu Kristo Iərimənu səkitaha mine nəgkiariien kamahatən nərmama irə sə ro ikinan i. Mə in ramahatən nəgkiariien me nepwɪn ropə ia nəgkiariien nəha,

⁴ in ramərpwi in, mɪpkukurən anan mhə nari. Nətərigien səvənhi ramemhə rokeikei pik nəgkiariien ti nəresien me səməme kamhəvi pehe nəmwəkiiēn mine nəvisəien. Noien nəha ro nərmama kamhəni ərəha nəghɪnraha me, nənə, mamhətərig ərəha ia nɪrəha me,

⁵ ia nəpɪn me pam kamhousari. Noien nəha səvəi nərmama səməme nətərigien səvənraha rərəha.

Irəha kamhəruei ia nəgkiariien pərhiən, mamhəni mə noien nəkwai Kumwesən in suatuk riti səvəi nuvehiien mane mine nautə.

⁶ Nipərhiēnien, trīni mīnuə kītaha samo nəkwai Kumwesən, noien nəha trasitu asori ia kītaha, mətə tsaməkeiki mamhagien a, nəri auər a mə səkītaha nautə rouihi a uə rasori.

⁷ Səukurən mə nəpīn sənətui pehe ia tīprənə i, nənə, mhəpkuvehi mə nari riti mhəuvehe. Nənə nəpīn tsemhə irə, ko səpkuvehi mhə mwi nari riti mhərərig.

⁸ Mətə trīni mīnuə sənətaha nəveginien mine tinari səkītaha rəmwhen a, nənə kītaha tsagien.

⁹ Nərmama səməme hokeikei pik mə nautə səvənraha trasori, nənə rīməru a ti nīrəha mə tuho noien ərəha me rīpik. Rəmwhen ia kwənkru riti rəkure tərini irəha ia təpuapəg səvəi nərəhāien, nənə, irəha hokeikei mə tuho narimnari me rīpik səməme həpkamasan mhə ti nīrəha mamhouraha irəha. Nənə nokeikeiien səvəi narimnari ərəha me nəha trouraha nīmīruien səvənraha.

¹⁰ Iakani iamīnhi irə ti nəri nə mə noien səvəi nokeikei pikien mane in nukune noien ərəha me səpəmsəpə. Noien nəha ruvəiri raka raka nərmama nepwīn ia nahatətəien səkītaha, mo irəha ho noien me rīpik təkwtəkwi rerīnraha raməmisə tukwe rəmwhen mə həpi atukw a irəha ia nau.

Pol raməvəhag m Timoti

¹¹ Mətə ik iərmama səvəi Kumwesən tikaraka məpwəh nevənien ipaka ti noien ərəha me

6:6: 1Tim 4:8, Fil 4:11-12, Hip 13:5

6:7: Job 1:21, Pri 5:15

6:8:

Prov 30:8

6:9: Prov 23:4, 28:22

6:10: Efes 5:5

6:11: 2Tim

2:22

nəha. Tikamarə mamō natukwatukwien, mamō nəkwai Kumwesən, mamahatətə ia Kristo, mamō nokeikeien, mamərer əknekīn, mamō ik iəmə noien səim ramasan məpou.

¹² Naruagəniēn amasan səvəi nahatətəien, tikaruagən irə, muvehi əknekīn nimiruiēn rerin sə Kumwesən rinəkwein ik tukwe fwe kupwən nəpīn ikiməni irapw amasan nahatətəien səim ia nəmri nərmama həpik.

¹³ Kumwesən in nukune nimiruiēn. Iesu Kristo in iərmama sə riməni irapw amasan nəgkiariēn pərhien ia nəmri Ponjes Paelat. Ia nənimenrau iakani pehe tukw ik i mə

¹⁴ tikaməkeikei mo nəgkiariēn i kuvei pehe mik. Tiko ia suatuk sə rəmher. Pwəh nərmama həpwəh nətoniēn nərahaiēn riti ia niram. Tiko iamīnhi irə mamevən meste Iərimənu səkitaha Iesu Kristo truvehe mwī.

¹⁵ Nuveheien səvənhi Kumwesən tro rier pehe ia nəpīn atukwatukw səvənhi. In Kumwesən sə kaməgnəgini in. In əpa ramərimənu ia narimnari me pam. In Kig sə rasori ia kig me. Nənə in Iərimənu sə rasori ia nərimənu me.

¹⁶ In əpa ripkəmhə mhə mamarə rerin ia kwopun riti rukuraan ikīn, nənə, iərmama riti ko ripkevən mhə ipaka. Iərmama riti ripkətoni raka mhə in, nənə, tīpkətoni mhə mwī. Pwəh nisaiiēn mīne nərimənuiēn sə tīpkiwən mhə krauevən tukwe in. Ouəh, pwəh ro iamīnhi.

¹⁷ Tikəgkiari m nərmama me nautə səvənraha rasori ia nitətə səvəi ipwet mīne, mīni pen ti nirəha

6:12: 1Kor 9:25-26, 1Tim 1:18, 2Tim 4:7 **6:13:** Jon 18:36-37, Jon 19:11 **6:15:** Dut 10:17, Rev 17:14 **6:16:** Eks 33:20 **6:17:** Sam 62:10, Luk 12:20

i mā tuhəpwəh nuvehi utə pikien irəha, mhəpwəh nəmri pen əknekinien nətərigien səvənraha ia nautə, nautə səvəi təkwtəkwuni a mətə trakwakwi riwən. Irəha tuhaməkeikei mhəmri pen əknekin nətərigien səvənraha ia Kumwesən sə rauvei pehe narimnari me rīpik m kitaha mā reritaha tragien.

¹⁸ Tikini pen ti nirəha i mā tuhaməkeikei mho noien amasan. Pwəh noien amasan me nəha səvənraha hasori mhəmwhen ia nautə səvənraha. Irəha tuhaməkeikei mhasitu mhəriari m nərmama.

¹⁹ Noien nəha rəmwhen mā hənəite nautə me rīpik sə trasitu ia nirəha kurirə. Nənə irəha həukurən nuvehien nimiruien i nimiruien pərhien.

²⁰ Timoti, Kumwesən rinəmri pehe raka nəgkiariien amasan səvənhi ia rəgim. Tikaməkeikei mətui amasan tukwe, məpwəh nətərigien ia nəgkiariien auər a me səvəi tīprənə i uə nəgkiariien me kani mā nəgkiariien sə kauvehi nukurəniēn irə, mətə rekəm neikuəien.

²¹ Nərmama nepwin kamhəkurirə ia nukurəniēn nəha, nənə, mhənəpwəh nahatətəien səvənraha.

Pwəh namasanien tramarə tukumiaha.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 18 Apr 2025 from source files dated 31 Aug 2023

26b0f540-c192-5878-be67-18ede9ab1416